



Broj: 2949/20
Sarajevo, 14.09.2020 .godine

Na osnovu člana 39. Statuta KJKP "Tržnice-pijace" d.o.o. Sarajevo, , te pravnog mišljenja advokata Zijada Šušića br.2948 od 11.09.2020.godine, v.d. direktor KJKP "Tržnice-pijace" d.o.o. Sarajevo, dana 14.09.2020.godine, donosi

O D L U K U
o stavljanju van snage Odluke o poništenju
Javnog oglasa za prijem radnika u radni odnos na neodređeno vrijeme

Član 1.

Ovom odlukom se stavlja van snage Odluka o poništenju Javnog oglasa za prijem radnika u radni odnos na neodređeno vrijeme u KJKP "Tržnice-pijace" d.o.o. Sarajevo br. 2623/20 od 25.08.2020.godine.

Član 2.

Stavljanjem van snage Odluke o poništenju Javnog oglasa za prijem radnika u radni odnos na neodređeno vrijeme br. 2623/20 od 25.08.2020.godine, vraća se postupanje po javnom oglasu za prijem radnika u radni odnos na neodređeno vrijeme, objavljenom u dnevnim novinama Oslobođenje na dan 25.06.2020.godine, web stranici Preduzeća i Službe za zapošljavanje Kantona Sarajevo (u daljem tekstu: Javni oglas), raspisanom u skladu sa dobijenom saglasnosti Vlade Kantona Sarajevo broj: 02-04-15045-10/20 od 01.06.2020.godine i u skladu sa Odlukom Uprave Preduzeća o raspisivanju javnog oglasa za prijem radnika u radni odnos na neodređeno vrijeme broj: 1216-1/20 od 29.04.2020.godine

Član 3.

Zadužuje se Služba za pravne, kadrovske i opšte poslove da obavijesti Ured za borbu protiv korupcije i upravljanje kvalitetom o donesenoj odluci.

Član 4.

Ova Odluka stupa na snagu danom donošenja.

Obrazloženje

U skladu sa odredbama člana 15. stav 2. tačka a) Uredbe o postupku prijema u radni odnos u zavodima, agencijama, direkcijama i upravnim organizacijama, pravnim licima s javnim ovlaštenjima na teritoriji Kantona, Grada ili općine, u javnim ustanovama i javnim preduzećima čiji su osnivači Kanton, Grad ili općina, te u privrednim društvima u kojima Kanton, Grad ili općina učestvuju sa više od 50% ukupnog kapitala, dana 25.08.2020.godine, zbog promjene odgovornog lica u Preduzeću, v.d. Direktor KJKP "Tržnice-pijace" d.o.o. Sarajevo je donio Odluku o poništenju javnog oglasa za prijem radnika u radni odnos na neodređeno vrijeme u KJKP „Tržnice-pijace“



KJKP, „TRŽNICE-PIJACE”

71000 Sarajevo, Mula Mustafe Bašeskije 4a
Tel:+387 33 20 53 53. / Fax:+ 387 33 20 55 49
E-mail: kjkptrznicesa@bih.net.ba

KJKP „Tržnice-pijace“ d.o.o. Sarajevo

Id.br: 4200683020005

PB: 01071104

U/I : UF/1-2630/05

d.o.o. Sarajevo br. Sarajevo br. 2623/20 od 25.08.2020.godine, raspisan za sljedeća radna mjesta:

1. **Inkasant – 2 izvršioca**
2. **Radnik na tržnici – 1 izvršilac**
3. **Mehaničar za rashladne i klimatizacijske uređaje – 1 izvršilac**

Prema mišljenju, dostavljenom od strane ovlaštenog advokata za zastupanje po pravnim pitanjima, advokata Zijada Šušića, od 11.09.2020.godine, navedeno je da bi donošenje Odluke o poništenju javnog oglasa za prijem radnika u radni odnos na neodređeno vrijeme u KJKP „Tržnice-pijace“ d.o.o. Sarajevo bilo ispravno da je javni oglas za prijem radnika tek raspisan ili da je procedura po javnom oglasu u toku i da još uvijek nije donesena odluka o prijemu u radni odnos temeljem takvog oglasa.

Imajući u vidu da su Odluke o prijemu u radni odnos stupile na snagu danom donošenja i postale konačne, te da u slučaju pokretanja sudskih postupaka pred nadležnim sudom, od strane radnika za koje su donesene Odluke o prijemu u radni odnos, takve tužbe bi bile osnovane, te da bi isti mogli osnovano tražiti uspostavljanje radnog odnosa, što bi za Preduzeće stvorilo troškove, kako u visini potraživanja naknada plaća i doprinosa, tako i troškova vođenja sudskih postupka.

Uvažavanjem pravnog mišljenja dostavljenog od strane advokata, a u cilju zakonitog postupanja i zaštite prava radnika i izbjegavanja narušavanja ugleda Preduzeća i izbjegavanja nanošenja finansijske štete za Preduzeće, v.d. direktor Preduzeća donosi Odluku kao u dispozitivu.

KJKP „Tržnice-pijace“ d.o.o. Sarajevo


v.d. Direktor, Bojan Miškić

Dostaviti:

-Naslovu

-a/a